

NEWSLETTER

Qershor



**Albsig mbështet Shtëpinë
e Fëmijës “Zyber Hallulli”
me rastin e festës së
1 Qershorit.**

**Apeli i Stafit të Albsig
në Ditën Botërore të
Dhurimit të Gjakut**

**Albsig në fokus
sigurimin e shëndetit
të fëmijëve, starton në
treg Kids/Youth.**

**Albsig, Mbështet Turin
Ndërkombëtarë të
Çiklizmit në Shqipëri**

Shoqëria e Sigurimit Albsig sh.a., pjesë e Grupit KASTRATI, ushtron aktivitet të suksesshëm që nga viti 2004, në cilësinë e siguruesit të Jo - Jetës. Me një rrjet me 28 degë, Albsig mbulon territorin e Republikës së Shqipërisë. Albsig mbështetet në stafin e dedikuar dhe profesional dhe ofron shërbim të shpejtë dhe cilësor.

VIZIONI

Klienti, prioriteti ynë. Ne tejkalojmë pritshmëritë e tij përmes shërbimit, integritetit dhe profesionalizmit.

MISIONI

Të jemi zgjedhja e parë e çdo klienti. Ne rritemi bashkë me klientët tanë.

FILOZOFIA

Besim dhe solidaritet me klientët për të arritur suksesin e përbashkët.



Partneri juaj i sigurtë!



PJESË E  KASTRATI GROUP



Albsig mbështet Shtëpinë e Fëmijës “Zyber Hallulli” me rastin e festës së 1 Qershorit.



Këtë 1 Qershor, Shoqëria Albsig zgjodhi të ishte pranë fëmijëve të shtëpisë së fëmijës “Zyber Hallulli” me dhurata dhe veshje për t’u ardhur sadopak në ndihmë në këtë ditë të veçantë dhe të gëzuar për ta. Albsig mbështet shtëpinë e fëmijës “Zyber Hallulli” në Tiranë, duke bërë të mundur që çdo fëmijë nga klasa e 1-rë deri në klasën e 9-të, në këtë institucion, të mos i mungojnë veshjet verore dhe çdo material tjetër i domosdoshëm për të kaluar sezonin veror.

Gjithashtu, përveç materialeve të domosdoshme, veshje e materiale sportive, etj. Shoqëria e Sigurimeve Albsig është një institucion i dedikuar të japë kontributin për shërbimin ndaj komunitetit, veçanërisht në këtë target grup të popullsisë. Albsig e sheh këtë dhurim si përmbushje të përgjegjësisë dhe detyrimeve të tij të përgjegjësisë sociale.

Në ceremoninë e organizuar me këtë rast, drejtoresha e marketingut në Albsig, znj. Valbona Dako, duke i uruar suksese fëmijëve për mbylljen e vitin shkollor dhe fillimin e pushimeve verore, u shpreh se Albsig ka qenë gjithmonë pranë fëmijëve të këtij institucioni dhe do të vazhdojë të jetë edhe në të ardhmen.

“Jam shumë e lumtur që jam sot këtu me ju. Ne jemi kujdesur që edhe këtë vit të mos mungojnë veshjet verore dhe mjetet sportive që ju mund të kaloni pushime të paharruara,” – theksoi Dako.

Shoqëria e Sigurimeve Albsig gjithmonë është spikatur si mbështetëse e fëmijëve në të gjitha target grupet e shoqërisë. Albsig.sh.a, pjesë e Kastrati Group, ka qenë dhe është gjithmonë e hapur ndaj kauzës së fëmijëve jetimë, me dëshirë për të mësuar dhe për të zhvilluar edhe më tej aftësitë personale dhe profesionale, duke u dhënë hapësirën e kërkuar për të përfituar sadopak eksperiencë dhe mundësi.





Albsig, Mbështet Turin Ndërkombëtarë të Çiklizmit në Shqipëri

Rrethi Çiklistik i Shqipërisë, i njohur ndryshe si Turi Çiklistik i Shqipërisë, zhvilloi këtë vit edicionin e tij të 80-të. Gara e 3-të më e vjetër çiklistike në Evropë, e cila prej disa vitesh është pjesë e kalendarit ndërkombëtar, ku përshkohen plot 754 km gjatë 5 etapave të saj dhe marrin pjesë 14 skuadra, nga të cilat 11 janë ndërkombëtare, përgjatë itinerarit Tiranë-Lushnjë-Elbasan-Vlorë-Përmet, duke e mbyllur në finishin tradicional të Fierit. Për eventin e realizuar u vendosën në lëvizje të gjitha instancat si shërbimet e Policisë Rrugore, të Patrullave të Përgjithshme dhe të Forcës së Posaçme "Shqiponja", të Drejtorive Vendore të Policisë Tiranë, Elbasan, Fier, Vlorë dhe Gjirokastrë, në bashkëpunim me organizatorët e kësaj veprimtarie ndërkombëtare, kanë marrë masa për mbarëvajtjen e saj, sa i përket sigurisë rrugore dhe rendit.

Pesë qytetet pjesëmarrëse në garë kanë qenë në gadishmëri me të gjitha masat e duhura për t'i ardhur në ndihmë pjesëmarrësve në garë dhe për të motivuar një event të tillë. Jo vetëm kaq por, me qëllim garantimin e zhvillimit të kësaj veprimtarie dhe për të njoftuar qytetarët që kishin pasur në planifikim lëvizjen në akset rrugore, në datat që do të zhvillohet ky rreth çiklistik, Policia e Shtetit mori masat e duhura për bllokimin dhe devijimin e lëvizjes së automjeteve në akset rrugore ku u zhvillua gara. Ekspertet bëjnë me dije se rrethi i 80-të Çiklistik i Shqipërisë përfshin 5 etapa garash me itinerare të gjata në disa nga akset rrugore kombëtare. Në këtë aktivitet morën pjesë 14 ekipe nga 10 vende të ndryshme të botës dhe afro 100 garues.

Rrethi i 80-të Çiklistik i Shqipërisë u nda si më poshtë:

Etapë e parë - Tiranë - Dushk - Krrabë 146 km

Etapë e dytë - Tiranë - Lushnjë - Elbasan 157 km

Etapë e tretë - Elbasan - Vlorë 143 km

Etapë e katërt - Vlorë - Mbrostar - Përmet 185 km

Etapë e pestë - Përmet - Fier 123 km

Totali: 754 km.

Ky event kaq i rëndësishëm, jo vetëm për Federatën e Çiklizmit, por për të gjithë artëdashësit e këtij sporti u mbështetën nga Albsig, pjesë e Kastrati Grup. Shoqëria e Sigurimeve Albsig gjithmonë është spikatur si mbështetëse e eventeve sportive në të gjitha target grupet e shoqërisë. Albsig sh.a. pjesë e Kastrati Group ka qenë dhe është gjithmonë e hapur ndaj sporteve dhe aktiviteteve në ndihmë të mirëqenies së jetës në komunitet.



Apeli i Stafit të Albsig në Ditën Botërore të Dhurimit të Gjakut

“Të gjithë Ne, me aq sa kemi mundësi, të dhurojmë gjak të paktën një herë në vit, sepse me çdo dhurim tonin, Ne shpëtojmë jetë”

Çdo vit më 14 Qershor në shumë vende të botës organizohet “Dita Botërore e Dhurimit të Gjakut” dhe kësaj dite i është bashkuar dhe stafi i Shoqërisë së Sigurimeve Albsig, pjesë e Kastrati Grup. Mesazhi i kësaj dite thekson kontributin thelbësor që dhuruesit e gjakut japin për të mbajtur botën pulsuese, duke shpëtuar jetë dhe duke përmirësuar shëndetin e të tjerëve.

Një fokus i veçantë i fushatës së këtij viti do të jetë roli i të rinjve në sigurimin e një furnizimi të sigurt me gjak. Si në shumë institucione edhe në Albsig, të rinjtë kanë qenë në ballë të aktiviteteve dhe iniciativave që synojnë arritjen e furnizimeve të sigurt të gjakut përmes dhurimeve të gjakut në mënyrë vullnetare. I gjithë stafi i Albsig iu bashkua nismës për dhurimin e gjakut. Kjo nismë u cilësua si një ndër nismat më të rëndësishme e cila është në mënyrë të drejtpërdrejtë në ndihmë të çdo jete. Stafi i Albsig ishte i gatshëm të jepte kontributin e tij në

ndihmë të kauzës “Dhuro gjak, dhuro jetë”. Çdo punonjës në mënyrë vullnetare, pasi mori dakortësinë nga ekipi i mjekëve, bëri të mundur dhënien e kontributit të vlefshëm për shpëtimin e një jete, siç ishte dhurimi vullnetar i gjakut. Dita Botërore e Dhurimit të Gjakut shënohet prej vitit 2004 dhe ka për qëllim dhurimin e gjakut për të shpëtuar jetën e atyre në nevojë.

Aktivitetet për këtë ditë bëhen me qëllim rritjen e ndërgjegjësimit për sigurimin e gjakut dhe për të shprehur falenderime për të gjithë ata që dhurojnë gjak për të shpëtuar jetë. Gjak, përveçse një përbërës i rëndësishëm i trupit tonë, është edhe një lëndë kuruese që nuk mund të prodhohet nga industria farmaceutike, ndaj i vetmi burim i tij është dhurimi nga njerëzit me vullnet të mirë në mënyrë të herëpashershme dhe pa pagesë. Nevojat për gjak janë shumë të mëdha, pasi transfuzioni i gjakut apo përbërësve të tij shërben shpesh për t'i shpëtuar





jetën dikujt që pëson aksident apo ndërhyrje kirurgjikale. Fushata e këtij viti përqendrohet tek ata pacientë, të cilëve do u duhen transfuzione gjaku përgjatë gjithë jetës. Autoritetet shëndetësore theksojnë rëndësinë e dhurimit të gjakut në mënyrë të rregullt për të krijuar një rezervë të vazhdueshme gjaku, në mënyrë që pacientët në nevojë të mund ta marrin atëherë kur do të kenë nevojë.

Nevojat për gjak në stinën e verës rriten, për këtë arsye apeli i të gjitha institucioneve shëndetësore është për më shumë dhurime vullnetare në ndihmë të fëmijëve talasemikë dhe të gjithë atyre që kanë nevojë për gjak. 14 Qershori njihet si Dita Botërore e Dhurimit Vullnetar të Gjakut. Slogani i këtij viti është:

”Dhuro gjak, dhuro jetë, dhuro plazmë, dhuro shpesh”.

Bashkëpunimi i përbashkët është qenësor për një jetë më të mirë në shoqëritë ku ne përkasim, ndërsa dhurimi i gjakut është shembulli më i mirë se si bashkëpunimi i mirë e ndihmon jetën. Prandaj, të gjithë ne, me aq sa kemi mundësi, të dhurojmë gjak të paktën një herë në vit, sepse me çdo dhurim tonin, ne shpëtojmë jetë. Albsig, vlerat që na bashkojnë e na bëjnë më të fortë e më të ndërgjegjshëm në cdo aspekt jetësor.





Pse na duhet Sigurimi “Kids/Youth”?

 **ALBSIG**

Albsig në fokus sigurimin e shëndetit të fëmijëve, starton në treg Kids/Youth.

Kids/Youth” është paketa e sigurimit e dizajnuar për t’u ardhur në ndihmë mirëqenies dhe mirërritjes së shëndetit të fëmijëve tuaj. Në rast sëmundje apo paaftësie, ju do merrni dëmshpërblimin në Albsig në mënyrë të menjëherëshme në shërbim të mirëqenies së fëmijëve tuaj. Sigurimet janë të detyrueshme për shëndetin e fëmijëve. Çdo familje duhet t’i ketë. Sigurimet janë në shërbim të shëndetit të fëmijëve nga mosha 0-15 vjeç deri në 15-25 vjeç. Sigurimi Kids/Youth është një pjesë e rëndësishme e planit të mbrojtjes financiare të çdo familjeje, por është veçanërisht i rëndësishëm për mirëqenien shëndetësore të fëmijëve Tuaj deri në moshën 25 vjeç. Rritja e një fëmije në shoqërinë e sotme është dëshmuar të jetë detyrë e vështirë. Edhe në rrethanat më të mira prindërimi është sfidues, por pjesa më e vështirë janë përgjegjësitë financiare, ku një pjesë e mirë e tyre do të mbulohen nga sigurimi Kids/Youth.

Pse na duhet Sigurimi “Kids/Youth”?

Për të gjithë fëmijët/të miturit në moshën 0-15 vjeç, të cilët frekuentojnë ciklin e arsimit para-universitar, ose të ashtuquajturin arsim të detyrueshëm dhe të rinjtë në moshën 15-25 vjeç, të cilët kryejnë studimet universitare, pasuniversitare ose fakultetin e dytë, ofrohet Polica e Sigurimit. Nëpërmjet kësaj police mbulohen shpenzimet për aksidente që ndodhin për shkaqe rastësore, të dhunshme, të menjëhershme dhe të paparashikuara, ku si pasojë e së cilave mund të vërtetohet paaftësia e përkohshme, e përhershme dhe/ose humbja e jetës.

Duke kryer Policën e Sigurimit të “Kids/Youth” mbulohen shpenzimet si pasojë e aksidenteve përgjatë periudhës së mbulimit të përcaktuar në kontratë dhe nëse fëmijët apo të rinjtë e siguruar janë brenda territorit të Shqipërisë. Shpenzimet që njihen kanë aftësi diagnostikuese, stabilizuese apo përmirësuese dhe të cilat janë të nevojshme nga ana mjekësore. Për fëmijët/të rinjtë ofrohet mbulimi i shpenzimeve të trajtimit mjekësor në të gjitha entet shëndetësore për dëmtime që vijnë si pasojë e Aksidentit; paaftësinë e përhershme të plotë ose të pjesshme sipas kushteve të sigurimit; vdekjen ose zhdukjen e shkaktuar nga aksidenti. Ndërsa për prindin/kujdestarin ligjor ofrohet mbulimi për paaftësinë e përkohshme sipas kushteve të sigurimit dhe vdekjen ose zhdukjen e shkaktuar nga aksidenti kundrejt pagimit të primit të përcaktuar në Policën e Sigurimit.





☎ +355 (0) 42254770 / 764

✉ info@albsig.al

WWW.ALBSIG.AL